




國家清史編纂委員會·文獻叢刊

清代詩文集彙編



國家清史編纂委員會・文獻叢刊



清代詩文集彙編

《清代詩文集彙編》編纂委員會 編

上海古籍出版社

清代詩文集彙編 七〇六

晚學齋集二十六卷（詩初集二卷詩二集十二卷詩續集一卷文集二卷

蓮漪詞二卷暗香樓樂府三卷外集四卷）鄭由熙撰

一

龍岡山人詩鈔十八卷龍岡山人古今體詩鈔二卷龍岡山人文鈔十卷

紫藤花室駢體文鈔四卷 洪良品撰

二八一

琴鶴山房遺稿八卷 趙 銘撰

六三九

白香亭詩三卷 鄧輔綸撰

七二五

晚學齋詩初集

光緒戊戌夏在
靖安縣署重刊

晚學齋集總目

晚學齋詩初集

又二集

又續集

又文集

蓮漪詞

暗香樓樂府

外集

共五種都二十六卷

二卷

十二卷

一卷

二卷

二卷

三卷

四卷

晚學齋集總目

受業瑁 六合余瑞璋同校
新建胡承弼

序

圖畫技也其至者變動猶鬼工不可方物僧繇之龍韓幹之馬機於人而神於天況文辭造端皇娥其靈千百圖畫心之精能際乾絡坤基乎無倪而託乎無朽者哉曹子建云後世誰相知定吾文者杜子美云文章千古事得失寸心知感斯文之易墜慟知音之難遇也吾友鄭君曉涵儀秀材特德遠而氣深溢藻飛華文辭麗都江南之人以爲冠冕遊於洪洪之賢士大夫爭與之交其詩之高者肩壓玉溪氣驅梅村其淺者猶爲時流所不能道又自好爲新樂府穠鬱絳密其聲動人心如曉涵者可謂好深湛之思能沈博絕麗之作者也樂府盛於漢或沿風或原雅孟德

晚學齋詩初集 卷一 序

獨好爲駿厲之音蓋出於商頌子桓卑弱子建放僻體閎而聲遠六代以來未有能及焉者也太白規規伯仲明遠至于美始創爲新其意則猶周漢也香山僻近旨遠聞者足以戒昌谷爲奇屈騷是儀皆其魁杰者明李西涯峭潔清雋無夷猶恬愉之音人或稱之而非樂府之正也

國朝詩人吳梅村合子安香山之長遭世屯革鬱勃於中怨往悲來悽感頑鑿今曉涵深情而豪文將循波造源疊疊不息合古今聲詩而析其微渺以修蘭成之絕業章羣玉之大觀也可量哉

同治癸亥暮春湖南鄧繹保之氏序於信州官廨

序

韓退之有言凡物不得其平則鳴以鳥鳴春以雷鳴夏以蟲鳴秋以風鳴冬以元結李白杜甫李觀皆以其詩鳴夫鳴非自鳴也有使之鳴者而鳴者不自知焉聞之者亦悲喜無端而不自知其然也然惟善鳴者造物乃使之鳴鄭君曉涵少習爲詩慨然慕夫以詩鳴者然試於有司屢踴不得躋館閣鳴

國家之盛已而東南賊起蔓延半天下君籍徽象及寄籍江甯皆陷於賊君提挈老幼開闢道路當夫四山風急草木攫人獲顧蛇行哀鴻繼屬溜澠一亂渾然千里憂從中來不可斷絕故其鳴而爲詩也幽憂慘沮如怨如訴春山

晚學齋詩初集 卷一 序 二

援泣九夏霜零噫嘻悲矣及其投筆從戎轉鬪千里獨懷躍刃俄鳴叫箭叢鏑刺天當者立碎每當陰雨之夜懷河之辰青燐滿山有聲皆鬼而國殤毅魄死執干戈濁霧冥冥疑疑疑歎則又磨劒揮鼻長歌當哭殆退之所謂不平則鳴者耶宜乎其悽麗激昂如是也君將作令西江訪予玉山之麓出其詩屬余爲序予何足以益君抑吾聞詩之教溫柔敦厚故其感人也深而移人也速言之者無罪面聞之者足戒君前所爲詩讀之者既恍夫創鉅痛深鑒前車之覆矣今東南蠱定瘡痍待蘇他日鳴宓子之琴興絃歌之教更爲和平廣大之音以安樂其民必有激揚雅俗發抒忠孝者洋洋乎盛世之音予將傾耳聽之

同治丙寅孟夏端州馮譽龍序於懷玉巖廡

晚學齋詩初集 卷一 序三

州十文

晚學齋詩初集目錄

卷一

古近體詩百三十首附一首

卷二

古近體詩百十七首附一首

共二卷都二百四十七首附二首

晚學齋詩初集目錄

一

上十



受業 璿 大合余璿同校
新是朝不

晚學齋詩初集卷之一

歙 鄭由熙 伯康

秋柳 癸丑

韶華似夢醒臺城一片商飈落木聲松菊猶存彭澤徑旌旗不似亞夫營含顰江上莫愁女弄影風前太瘦生至竟靈和美風度青霜飛不到蓬瀛

金縷彫殘化作塵道旁誰識綺羅身飄零一例傷遊子遲暮於今惜美人畫舫珠簾成幻影落花飛絮首前因摧薪何止八公桂莫爲江潭獨愴神

一灣流水冷青溪攀折無人唱大隄紅板斷橋游騎杳白門殘郭亂鴉棲長亭寂寞悲羌笛野渡荒涼怯鼓鼙沈醉

晚學齋詩初集卷一

東風何日醒樓臺煙雨太淒迷

臨風還想舞婆娑其奈天寒袖短何離緒牽來新雨少柔情繫住落暉多酒醒殘月曾題曲人約黃昏忍按歌慘綠年華彈指過莫教領老闕河

獅窟歌爲湯雨生將軍 貽汾作

將軍常州人由世襲累官副將以風雅忤上官乞休愛金陵山水因家焉拓城西獅子窟舊址爲別墅癸丑城陷死之

石城西去平泉莊萬六千春洞裏藏門外大橋兩株樹白齒蒼香新雨潤碧簷影暑風涼七松五柳閒栽種譜按羣芳抱花甍梯橋架閣徑通幽綠陰遮住天無縫草堂中

有彈琴聲雨生先生焦桐橫修髯拂几松風設碧眼觀書

皓月明先生自笑本齋官盾鼻曾磨墨已乾馬革勳名恩

寵異龍驤家世繼繩難少年騰達提戈去縛袴人將虎頭

譽敦詩說禮自風流爭奈疏狂上官忤放南下南銅越炭刀

披吟馬射華林賦秋思蘊醴張季鷹毘陵山水還金陵半

山寂寞懷安石別墅經營仿右丞白雲鄉好堪終老健筆

能將萬人埽笙吹花影石湖詞墨化池龍右軍草有時分

隸漢碑摹餘事丹青顧廚寶道蘊人傳詠絮詩友仁善學

煙雲橐一家風雅傲王侯十載林泉狎鷺鷥玩古每遘朋

輩賞聯吟不禁後生投東山絲竹張鎚宴北海壺觴投轄

留公說三生悲李廣人輕萬戶識荊州何處飛來黑山賊

晚學齋詩初集卷一

鐵鑄堅城關不得刃血非關戰血紅陣雲不起陰雲黑從

古將軍有斷頭可憐名士空捫蝨偷生未必少清流惜死

何堪報君國朝服從容葬汨羅君恩孤負淚滂沱九京

不愧忠魂後五字人傳正氣歌言絕筆大劫咸陽三月火

斷送花嬌與柳彈獅窟偏輸免窟牢無端玉石遺奇禍蔓

草休傷地數弓最難林下表孤忠南朝風月藉生色王謝

由來是寓公

長于曲

蜺旌龍節渡江來丞相琅瑯幕府開江左宣威真將領神州効力數奇才卻軍渡口人麾扇縣齋橋邊兵轉戰自昔雄藩恃重臣卽今史冊傳邦彥何人攬轡鎮江東監說英

名謝傳同鉤距稱神今廣漢郊岸向化古文翁三年借寇
徵輿誦果然不愧循良頌廣學重甄髦士才大視獨拯蒼
生痛揆文奮武足良謀定亂經邦堪大用粵西烽火偏連
營踴躍襄陽正用兵

帝重疆臣咨岳牧廷推闕帥命專征大纛高牙氣象雄市
人倉卒去從戎棘門壩上軍威挫封豕長蛇寇計工蒼黃
一戰全軍墨返駕樓船宵不泊天塹波濤壁壘空旄頭光
燄妖氛塞風聲鶴唳膽俱寒漫天殺氣蔽長干登陣強半
驅羸弱傳箭張皇亟開關將軍系出天潢派獨戴兜鍪鏖陣
利害小醜何難一旅加王師須扼重關隘元戎不整背鬼
軍長城當作鴻溝界函谷九泥豈許封石頭堅壁虛空碎

晚學齋詩初集卷一 三

驚花勝地數南朝玉石俱焚網莫逃干戈不動師全喪草
木銜冤鬼夜號大江南北同悲憤賊巢從此棲安穩龍蟠
虎踞穴豺狼碧血青溪葬金粉大吏何曾肯負恩城亡身
殉血猶溫倘令莫打迴帆鼓成敗英雄孰敢論

秋晚 甲寅

落日淡將夕流雲去不還鳴琴穿峽水倚劒薄天山鴉點
碧空外鐘聲紅樹間桃源如得地長共野人閒

木樨香曲爲邑侯星瞻廉公 乙卯

公宰吾歙之明年三月粵賊犯郡力盡援絕城不
守署有桂樹自經死賊退花盛開予從郡人士祭
其靈並輓以詩

君不見象山史氏開秋花忽變玉樹爲丹葩又不見淮南
佳種產巖谷八公才士應運出尋常瑞應非奇徵不及我
公忠誠動草木父老且勿悲士女且勿哭我歌木樨香一
曲一妖氛突熾旄頭星烽煙無垠車無耕士卒如夢初叫
醒兵不足壯丁續壯丁者誰髮半禿陣馬權當耕牛騎有
米有錢軍中嬉解里魁應募夜郎大寇來遲營兵不在道
路拾遺半軍械壯丁壯丁甚矣億解元戎十乘先啟行孤
城斗大公能當鼓闐如雷旌旗張燎火燭天日月光解全
軍皆墨賊氛逼十里五里偵探疾我寡賊多公無奈何行
三十里求援赤子耕者爾來緩鋤是抵負者爾來制梃可
使居者爾來揭竿而起諄諄藐藐行行止止豈無天良所

晚學齋詩初集卷一 四

惜者死五登陣四望肝腸寸斷乃升公堂乃召隸卒齋印
鄰封鑒前車覆望 闕再拜頓首出血城不克全賊不克
滅臣罪當誅臣死有餘辜撫桂花樹自經於署忠魂能香
秋花春芳六天欲斯人傳不朽直把清明當重九廣寒分
與十分秋杏豔桃嬌一齊醜寇雖不仁畏公如神謂公亦
猶人胡不明哲以保身越十日賊行亂平公顏如生花香
滿城七噫嘻乎枝上花腔中血地下冤天上雪蒼蒼冥冥
表忠烈青史無權筆如鐵八

哭巴和甫茂才 堂變 丙辰

浩落襟期隘九州清狂杜牧不言愁黃金散盡來何日白
雪辭高和寡傳風雨精靈中夜泣文章惜命此生休楓橋

一別成長恨獨立西風淚不收

泊江口夜起 丁巳

戍鼓聲聲催客起之子不來冷香芷碧天無語自寥廓神
女弄珠踏江水江水滔滔豈有情潮來潮去送人行千點
萬點別離淚鬱作波濤不肯平

舟泊西湖同李子循妹婿作 葉冒雨散步 戊午

不識湖邊路湖邊盡柳枝西風吹木葉一半是胭脂僧寺
雲歸塔人家花隔籬明朝應載酒爲寫畫中詩

同子循游靈隱寺冒雨至張光卽宿飛雨閣

眞佛不可見卻到眞佛境何地無山水靈隱特幽雋千株
萬株松怒濤與風競瀑布十丈長呼援洞口迸洞深窈以

晚學齋詩初集 卷一

五

又次上

暗不雨亦礎潤石乳敲不落凍雪太古贖青天一綫明小
橋通曲徑怪石相媚媚秋花自清淨木樨何處香無隱道
可證幽鳥向人語佛使來問訊梵宇層巖中高風墮清磬
丈六現金身棒喝忽起敬絕壁塑莊嚴虎豹亦馴性草木
偷釋名拾來皆假匄天下多名山僧占殆有命僧忽笑且
指攬勝興須盡雙柴猶未聞破光從此進天外一重天告
我半疑信幽棲故深藏珍惜得毋吝天亦忌勝遊微雨阻
清興賈勇躡芒屨健步一角勝修竹大如椽攀援當筇凭
漸苦脚力疲欲走想不脛行行幾里許呼敵有人應犬聲
吠如豹山賊幾錯認幡影搖暮煙客來僧不迎邀登鍊丹
臺荒榛沒薜磴江光匹練橫山色晚妝靚竹淡有姿巖

花瘦無病聽打閤黎鐘新炊掃塵甌分來香積供八珍味
猶遜展讀觀海圖書畫皆稱聖索題誌泥爪填詞譜慢令
珠冠玉帔閒譬如婢妾股借得兩蒲團出入此中定萬念
寂不生秋聲滿清聽空階蝙蝠飛佛燈明欲盡起舞霜天
高孤月皓相印

岳墓

撼山難撼岳撼岳有金牌叩馬幾先見騎驢憤滿懷天心
金國屬地獄鐵人偕俎豆應從祀遺骸義士埋 獄卒屍順
後始 改葬

子陵釣臺

盤福清名兩得兼神仙有女嫁妝匿一竿偶向灘頭坐斗

晚學齋詩初集 卷一

六

又次上

大州城也姓嚴

菜花 已未

芳阡繡陌繞陂塘不築平泉別有莊大地春光留澹泊滿
天斜照正昏黃儒酸滋味頭顱老田舍繁華興趣長庾信
一畦今在否小園風景付滄桑

踏青人約驛吟鞦落盡桃花與自佳隴上袈裟鋪毳衲村
中羣布富荆釵行來錯認槐成市擔去還疑菊上街絢爛
不忘蔬筍氣賞音輸與太常齋

水村山郭任句留大塊文章一望收綠野繡成剛雨後黃
金揮盡太風流散筵珍錯渾如夢廢苑樓臺儘種愁齋白
才華人不識祇知食肉覓封侯

幽懷曾不怨東風一樣芳菲託化工借箸定能當大事閉門誰信有英雄乾坤正氣中央色鼎鼎和羹老圃功安得給孤園布地盡舒饑色拯哀鴻

試新茶三十韻

鼓打梨雲裏旗開穀雨前其妹如靜女彼美未笄年細葉裁剛出秋豪妙到顛毛茸層剝荀心小密藏蓮羣臆廉諸樣胡韓蹙縮然鋒銛囊穎脫尖簇繡鍼穿媚眼分桑綠脣眉奪柳妍息嬌常卷舌鉤弋未伸拳探向鳩阮頂籠來雁宕顛蓬頭挑菜節纖手浴蠶天細檢妝初罷勻搓手欲肝筠篩鋪蘭紙土銓農松煙茉莉薰嫌俗枰欄弄盡捐靜聞香息息鬆裏草芊芊市重西園價囊慳南阮錢鎔銖增減

晚學齋詩初集卷一

較斤兩重輕權賣菜思求益探驪喜得先禾丹爐候火冰雪井分泉碗爪燒成蟹壺斑暈上鑊添薪張氏婢噓鼎左家娟譜肯端明泥經從陸羽傳作甘非作苦宜潑不宜煎氣鬱蒸蒸上雲浮縷縷旋咀含疑蔗美宛轉比珠圓水厄人愁困痕醫我賴痊詩清能換骨酒渴豈成仙釘鉸翻新體銚鎬博古編酪奴甘小國森伯結奇緣杖杖威無畏僧歐枝或專羊羔噉党尉帳下枉開筵

雪夜懷人

欲命山陰舫蘇臺訪故人扁舟不可到杯酒若爲親簾竹篩殘雪山梅破早春短檠戀寒夜寂寞度芳辰

寓歎

破虜無飛將談兵有腐儒太平猶粉飾大事漫糊塗十戶中人產三軍幾日需家貧何足病病不在區區聖朝無關事薄俗少純風公道鹿爲馬人才雀笑鴻夏時迂可怪安分命應窮匣有青萍在贈人成大功

正月賊陷太平旌德兩城竊憤戒嚴季外舅宋滋九太史師夢蘭號集鄉園守禦余與斯役

肘後黃金幾輩縣卻從荒壤望烽煙扶輪大雅儒稱將制梃雄夫募自田文字本來工白戰功名翻悔誤青氈有時中夜戎經執部曲依然弟子員

年光到此誤春秋柳絮飛時尙擁裘班駁冰花龍墮甲咆哮風力虎登樓幾人酒陣軍嚴令獨夜詩肩相不候山下

晚學齋詩初集卷一

桃花山上雪無端吹白少年頭

山窠謠

雀窩雀窩沿山作窠童謠也庚申秋賊陷徽郡據城久大肆荼毒民避深山猶不獲免爰衍其意爲篇

沿山作窠伐木牽蘿山高刺天巍巍峩峩我不能往如賊來何長髮賊少短髮賊多從賊者爲之導無一解今日山南明

日山北山南有虎山北有賊猛虎食子尙遺母賊來掠人猛於虎老人無用血賊刀少年拉去挑城壕二兒勿噉防賊知噉不已腹中飢母塞兒口兒噉止兒噉不聞兒已死三孃行疾兒行遲兒遲不來爲賊兒孃爲賊掠賊炊老

婦執炊少婦辱貞婦不辱被賊戮四黃金不在簾白金不在簾分金密金在山麓右手白刃左手人斯山何處藏金銀倒懸捷背灼以火嗟哉可憐守錢虜五山窠滿避賊館山窠空賊烽紅流亡死喪百遺一血汗青山鬼燐碧禽言不識人與羊勸人食肉渠食腸六

無米諸

有米無米餓死老弟亦童謠也賊據城久民死於餓者半爰衍其意爲篇

無米無米阿兄逃阿弟死逃者存亡未可知死者之肉充人飢道旁老嫗哭且訴釜中胡爲烹吾兒老嫗老嫗爾勿哭明日爾死烹爾肉解有米有米春聲如雷賊食米飽馬

晚學齋詩初集

卷一

九

食米肥馬鳴蕭蕭居大廈難民不如賊中馬二有米食粟無米食糠糠難下咽爲羹湯雜以青草草半黃饑饉刀兵天不忍山頭刷出觀音粉三前村後村短髮鬚耆有米有米一金一升有金不敢下山買山下蟻蟻長髮夥抱金而亡吁可憐有明至今五百年相傳明初有言家言徵人五百年後抱金而亡

霧雪行

庚申秋盡室避亂山中十數徙至曹竹嶺寺寺僧多田流民就食者眾賊利其貲十二月十五日黎明冒雪至倉皇出走忽大霧漫空賊若無睹乃脫於難

冬十二月望日雪空山無人鳥飛絕羔裘爲笠狐裘衰非

獸非人賊行捷角聲鳴鳴動地來雪地斑斑殺人血僕嫗蒼黃走相告佛殿前廊賊先到後院門通小鴨山匿迹銷聲戒呼譟雪深一尺行不得賊能攫人躡人迹老幼逡巡疾復徐峯迴路轉妖氛逼漫空大霧迷東南回頭不見山前庵前路光明後路暗將無佛現空中曇盡室流離亂山裏逃得一生頹九死薄德何由格上蒼好生從古昭天理雨師風伯列星辰滕六吳二天仙人不知上界誰司霧歲年年雨霧神

春寒感賦

壬戌

釀花天氣最粗粗禁得春寒殢客魂如此年光真草草不關醉夢亦昏昏家財賸有千金帚國士常懷一飯恩難得

晚學齋詩初集

卷一

十

平原君好客窮途傾蓋淚潛吞時流寓錫山雷西園觀察師相遇甚摯鷺湖山下且浮家烽火鄉園望眼餘滿地干戈天逼仄隨身卒木客生涯攀轅無計軍遺柳專閫何人代及瓜浩劫自關天意造填胸哀怨付悲笳

客信州幕下榻西園

癸亥

滿地落紅淫一亭新綠環樹稠微礙月牆短不遮山春雨江南夢秋心物外閒蕭蕭容俯仰烽火向鄉關游子嗟行路公卿每愛才卿江流夢去虎口戴頭來束筍添詩卷看花借酒杯孤桐高百尺徒倚重低回

苦雨和錢靜山藩樑

士安次韻

久坐悅情話新知如故人閉門三月雨流水一年春楊柳

淒迷意芭蕉破碎身眼前皆悴景何術爲揚仁

米珠謠

皖浙米貴於珠流亡至信州者絡繹慘於聞見因成是謠

貧婦牽兒上街市襁褓衣裳舊羅綺女紅一日錢半百買米盈孟雜糠粃但供兒飽孃忍飢兒唬不忍止勿炊道旁攜手各鳴咽嫁匱歸取明珠遺一顆明珠一升米赧顏致辭齒羞啟市僧仰視置不理何物藥籠拋蕙苳明珠雖好煮不熟金屋女郎抱珠死

雨夜遲馮鐵華

鄧保之

兩太守不至

聞說高軒過西園徑早開如何風雨夕不見故人來雲意

晚學齋詩初集

卷一

十一

明朝雪詩情昨夜梅官廚新釀熟遮莫獨銜杯

喜官軍攻克金陵外城

十年不折青溪柳鄉蕪夢繞鍾山韭血腔養得膽如斗刺秦健鐵用匕首等閒飛取樓蘭頭食肉安用真封侯書生壯志毋乃誕新亭淚待將軍收忽聞羽報外郭克未洞胸腹先扼喉初聞驚喜疑信半將毋眾口快復仇軍書沓至良不謬妻孥走告容豁愁老親拄杖慮田舍賊退官長煩追求稚女不識臺城路泥問金陵在何處絮談且緩須臾時春風楊柳飛紅旗

春興東保之

甲子

義和命珥節日馭驅以長萬物託生意焦枯悅榮光眇彼

運翻烏和鳴睇朝陽輝輝羽可儀五色呈文章塵氛苟盪滌煙雲皆吉祥巢林足一枝容與相翔翔蘭若慙幽隱高舉求鸞皇飛宿任自我忘機胡不藏

和作

萬族含春姿與古爲鮮妍孤雲澹何依一握太白巔行行出吳會一息情九遷四海忽若遺耽與佳人便緒颺搖春花徘徊而東西離憂此斷續窈窕以縣怙目送新萸靜歎鳴清絃達生貴自我奚用黃與軒迢迢騁良辰庶以觀自然

贈保之

舉世習所尚恬然榮其名六經久糟粕誰爲掇菁英鴻儒

晚學齋詩初集

卷一

十一

起衰廢扛筆時會爭萬卷讀既破下筆千人驚忼爽有軼志迢遙無俗營朗抱濟世具醞釀滋春榮閱儀觀麟鳳雅樂聞韶謨持作助勳資俯仰成治平少小悅文采江湖恣豪游鐘堦不憚扣鉞石誰堪投君子喜既觀遺我珊瑚鉤秋月照軒朗春風吹戶柔笑言共昕夕可以消百憂饒貧齋餘糧手書示所儻生平愧疲茶俗情相沈浮逝將屏故營日登元龍樓

信州解嚴呈鍾仲甫觀察

世慎

兼眎保之靜山

窮寇猶思逞蕭蕭馬脫鞵功成千里赤劫滿十年圍任越關山險颺如羽翼飛堅城攻不得大纛自巍巍金陵圍急安用萬人敵先聲敵不前三年紆策壯眾志築城堅布政

甘棠樹從戎板屋篇桃源在城市不信有烽煙

遠亂入城者以萬計

旗鼓連營壯狂氛閒道趨水深鄰國壑兵遲長官符廢壘

墟煙少空村劫火餘軍儲銷累萬黔首爾何辜

邊警猶飛檄兵塵行未休匡時賢太守重爲整貔貅有客

棲鴻羽何人相虎頭壯懷殊落落興遠一登樓

馬岡軍次曉望寄懷信州諸友兼呈仲甫觀察

時王觀察延入戎幕駐軍安仁縣界

觀察延入戎幕駐軍安仁縣界

寒帷見南山明霞絢朝霽嘉禾亦懷新平疇緣無際初日

照大旗森嚴列守衛水火熱以深拔劍憤斫地豈無撥亂

才虎狼任生翅東南久苦兵新亭未收涕俯仰天地闊傷

遠寄遙睇懷哉素心傳相與證孤詣

晚學齋詩初集

卷一

三

清陰翳槐夏晷畫開西園新篁盡解籜鳥語調笙絃太守

敬愛客卧治民無冤勝地游上才談塵探真玄賤子前致

辭勒駕東山賢棋局未可懸惻念蒼生艱慷慨拓偉抱勳

力鎔烽煙風雲相際會日月輝中天策勳亦尋常功成榮

可捐臣本田間來去耕南山田

泊八測鎮

風力疾如駛月光寒逼人停舟傍孤渚彌望但荒榛廟祀

神同墟村空鬼聚燐故鄉漫回首嗟我亦流民

吳江舟夜

遙夜何人共寂寥霜天木葉下蕭蕭浮家太末音書隔故

土江南劫火焦漸喜銷兵通道路可容隨分老漁樵歸來

還種南山豆偕隱萊妻不待招

泊閭門

十丈秦灰化舞衣尋巢燕子尚依依維舟不見蘇臺柳落

葉西風向客飛

金陵雜感

城於是年六月十六日爲曾沅浦中丞

因基從地

道攻克

劫運揭回戰鼓譁蕭蕭蘆葦疎陵花大旗落日嘶驕馬廢

壘寒原起暮鴉將帥功高皆列土山河氣壯已無家銷魂

石子岡邊路碧血青燐亂白沙

樓臺煙雨南朝寺赤地如荒草不青名士渡江開幕府行

晚學齋詩初集

卷一

十四

人收淚過新亭十年作橫枯槐蟻一雲流光腐草螢重觀

官儀思漢闕鯨鯢京觀築猶腥

寥落晨星劫後身歸來土著亦流民姓名忽忘容俱改離

亂相逢意倍親市上健兒罵遣卒閨中嫖母是真人

安平康樂紆籌策望重調元社稷臣

舊遊門巷費疑猜多少園林沒草萊九曲溪聲流恨去四

圍山色入城來僞宮疑冢金銀氣廢井頽垣錦繡堆庾信

襟期本蕭瑟那堪作賦寫餘哀

問渡秦淮更可傷板橋小立晚風涼笙歌畫舫空流水鉦

火珠簾賸夕陽白塔成灰千佛劫青山無恙六朝亡渡江

桃葉今無楫見說飄零老異鄉

紅板橋遙見長干塔與鍾山對峙今塔已毀

光騰珠斗棘垣開下第劉黃首重回虎踞雄關馮婦在鷄
歸華表令威來文章廣有頭風檄姓字終慙夾袋才自信
短衣能躍馬竟難拔幟上強臺

歲莫懷人詩

鄧保之太守

文章一代風騷主談笑三軍綸羽才見說十閫多事日故
應盤馬賦詩來聞將入蜀

馮鐵華太守

從古循良屬風雅山堂呼起爲蒼生春風吹喚三衢路都
似紅棉花滿城君守衢州前蜀題山堂詩別置堂四周皆紅棉花

鄭詒臣大令

晚學齋詩初集卷一

五

風雅吾宗一字師西園賭酒唱新詩紅泥綠蠟天將雪正
是圓鑪得句時

鄭滌庵孝廉

清貧况味甘於我抱道何妨食水肥等是有親虧菽水多
君終日傍春暉

錢靜山藩椽

壺裏乾坤裏裏春詩情疏放見天真一鐙青暈窗蕉綠定
憶挑鐙話雨人

江韻濤明經

破浪西江掬月來錦標輪爾上強臺凝竚莫似羊公鶴飛
到南天鏃羽回

楊奇林孝廉

楓林秋晚石橋東載酒尋秋佳興同祇愛霜楓紅似火那
堪劫火似楓紅

家著園茂才

薛蘿煙景隱柴門詩思清於水月痕他日霞峰村裏過桃
花潭水太銷魂注應昌家貧

家業卿孝廉

選佛登場快汝先丹砂初轉已融鉛鍊師在抱昇仙術鍊
汞燒紅二十年君是科舉鄉薦

吳芥湄茂才

朱雀航邊一笑逢掉頭歸去翠微峰計程早看黃山雪脚
下白雲生幾重

晚學齋詩初集卷一

六

葉冬樹貳尹

幽并俠氣逸無俦此老能擔萬斛愁飄泊干戈知已在扁
舟一櫂白門秋

鍾理之廣文

尺璧懷珍入五都雲閒日下故人疏哀情欲續江南賦不
見蘭成與亦孤

龍蟠里尋四松庵故址由濟生庵茶話歸

盈山卧煙際樵采斫枯薪不見僧行脚當年樹作鱗薛蘿
窗外月絲竹壁間春盛蹟思陶侃低回拾翠人唐石爲盈山

穀公建楷陰

下坂百餘步一庵空佛堂潭枯龍不卧榛莽虎疑藏禪味
參茶味吟懷放酒狂城西多古剎彌望暮煙蒼

萊菔乾

質純紅形如削筍漬鹽爲脯味鮮脆淮產金陵家
有此蔬不之貴也

猶頭積雪不可刷江上萸萸猶未綠堆盤瑪瑙如明霞寸
斷蔥形切紅玉味逾千里下鹽豉一甌合伴桃花粥昔年
苜蓿共登盤當作與臺草具餐世間皮相類如此豈獨披
裘大澤間雪夜圍爐酒興豪家太尉烙羊羔那知毳飯
東坡老下箸興嗟蘿菔毛

瓢兒菜

晚學齋詩初集

卷一

二十七

山陰

色蔥翠心微黃攢如菊葉葉形似瓢故名金陵土
產遷地弗良殆晚菘之別種歟

一瓢曾汲西江水稼軒先生渺何許先生流寓鉛山黃葉
江村畫裏寒菜一畦溼秋雨落英秋菊靈均遺玉梗粲
粲炊成糜菜根敲得真滋味陋巷當年知未知詩瓢嬾挂
酒瓢空慚愧江南桑苧翁老圃光陰吾願學鉤雲來種蔣
山菘

歡喜團

搏糯米如拋毬形質色潔白金陵新歲以之供客
乞利市也

人生何事大歡喜骨肉團樂願足矣人月俱圓無別離利

市逢君從此始混沌陰陽未鑿開依然太極肇元胎一團
和氣程明道客自春風座上來長生何必飯胡麻和盤托
出玉無瑕宛轉晶瑩差髣髴東風吹老繡毬花

題胡雪香學博克念尋涼覓句圖

觸熱營營客自忙冰心獨向玉壺藏白蘋風起枯荷雨秋
入空階咽露螢
露布修期下馬工聞來寫怨向西風雙眉吟脫終何益一
字輸他兩石弓

出西城看落照遙望天闕諸山

寒原暮色莽蒼煙天闕諸山偃蹇眠落日一輪紅入地昏
鴉萬點墨塗天流民漸集將成市戰壘初平未墾田身際

晚學齋詩初集

卷一

元

山陰

清時貧亦得筇筇便擬挂漁竿

過放生庵

十年前訪石城秋修竹千竿繞碧流門外野風白蓮舞荷
香吹上水邊樓

重來斜日澹平蕪行脚僧歸一衲孤雙柏森森百年物金
陵不見第三株城中大木均爲賊摧

二月十七日大雪放歌東冬樹暨李小涵比部

景曾

春花不紅雪花白紋窗畫掩坐昏黑杖頭資盡酒腸窄治
游無地攜吟策陳鴉俱樹共幽寂愁絕思歸未歸客前溪
籬竹大風折往來滅盡行人迹之子羈棲近咫尺阻修奚
啻萬山隔我欲披裘蠟雙屐邀君同陟翠微脊放眼江山

砌瓊壁下界望之不可卽疑是飛仙下鸞掖乘興去弄江
上笛老魚驚舞浪吹碧丈夫失意拓胸臆安用橫眉行踣
踣我有耿妃奇術幻作劇燒丹不用馬肝石搏冰成錠紅
鐘燼榮榮白金爪痕積揚州此去晝夜驛屢纏各跨鶴翎
隻十萬金錢供一鄰

雪夜懷保之福建靜山信州

東風狡獪作寒食大雪荒寒住冶城卻憶芭蕉聽夜雨同
翻楊柳譜新聲江雲日暮故人思芳草天涯遊子情明日
放晴騁吟興雞籠山下踏青行

妙相庵探梅

世外超塵劫仙人萼綠華禁寒三日雪向曉一分花故是

晚學齋詩初集卷一

尤

紺園地今爲巫女家十年槐國夢蟻聚化蟲沙國爲賊目
諸勢皆毀此庵獨存
其克軍校翠春齋寓

過隱仙庵故址訪六朝梅不得

言訪優曇花芒屨陟嵯峨山林畏佳處寥廓眾峯豁隱仙
已飛昇不聞孤磬夏曉馳走宿莽繚垣周四市欲招羅浮
魂澗蘋不可撥美人厭塵世與佛共解脫低回問樵子笑
指一邱雪興亡等奔棊煙雲疾如瞥華林園中春代易幾
宮闕三閣渺煙墟井血亦銷滅憑眺空巖欷江流終古咽

燕子磯晚眺

絕頂風高一振衣豪情颺舉共雲飛大江落日鯨鯢靜平
楚荒煙蘆荻肥寂寞山川游已倦橫流滄海我安歸澄清

有願都蕭索賸欲攜竿釣此磯

泰州道中

夾岸陰陰綠樹稠沿河水鳥鳴鉤輅人家住在碧雲裏婦
共分秧兒飯牛

戰馬逡巡運桔槔輿隤下不能豪時清誰問驪黃價曾
爲將軍奪錦袍

平林積翠水拖藍想見春光處處酣滿地烽煙人不識此
生真悔住江南

江南閒卻好青山古木修篁一例芟只合移來入圖畫生
綃幅幅寫荆關

興化道中

晚學齋詩初集卷一

辛

五兩南風森森波秧田一碧輾於莎團蕉覆雨斜陽外踏
背村童牛渡河

濃東渡西飯菜豐舍南舍北鳴關空水車不費推移力四
面帆張八面風

鹽人但識金銀氣袞袞錢刀奈爾何拋卻菰蘆好風景讓
人漁艇占煙波

湖光激盪平如鏡

湖光激盪平如鏡鵝鴨鵲鵲照影妍一曲水通南北港半
帆風送去來船

題江海門參軍觀詩稿卽以留別

少作性靈語中年氣格蒼襟懷忽返企藻采亦高翔合樂
宮商備朝宗江漢長馳驅歸大雅莫惜鬢邊霜

此行真不負低首謝宣城令我青眸豁憐君白髮生風流
漸銷歇吾輩尙縱橫碌碌軒冕誰知身後名

吾邦好山水巖壑縱幽尋此去一揮手白雲深復深憂時
託歌獻佳日快登臨海上成連卧苔分不異岑

南沙觀白蓮

斜日澹欲下徙倚來東臯清境一以擴松篠迴涼颼風聲
喧萬綠葉葉生碧潮玉立卸鉛華亭亭呈孤標迷離洛浦
神凌波疑可招權歌寂無聞之子江天遙翠羽文明璫對
此感寂寥歸鳥意良怡遊子心切切

雨夜旅感

積雨空階上蘚痕苔花開落閉門何當風月供吟歎獨

晚學齋詩初集卷一

三

晚學齋

攜江山氣吐吞鴻雁不來縣寤寐蛟龍起蟄變寒溫客愁
太劇驚宵柵檻外溼雲星斗昏

潘莊夜泊

蛙聲喧四壁人語亂鄰舟獨酌永今夕一燈涼似秋溼雲
含雨重遠水拍天浮四顧劇蕭瑟推蓬起暮愁

興化道中有懷小涵冬樹暨潘清畏部郎

教員

雨後斜陽澹輕帆掠影過船頭坐清獻沙尾起漁歌江上
青山遠淮南綠樹多停雲渺天末之子意如何

舟晚看雲

奇雲萬疊舒晴空落日返照丹砂紅輪囷窈窕變萬狀樓
臺城郭排蒼穹夸娥移山挾之走青天撐破飛來峯誰駕

蒼蚪駭瑤象往還疑有仙人蹤十年夢想黃山勝縱觀雲
海開心胸淮南煙水莽寥廓扁舟忽覩千芙蓉人生行役
了無苦快所未親驚奇逢障麗何如蠟雙屐去登秦岱游
衡嵩昭回糾縈紛在眼衣振千仞凌長風便欲朝真叩帝
闕乞爲甘雨康田功大雲蔭注大千界吾將與爾屏翳游
鴻濛

秦淮晚眺

涼波瑟瑟碧粼粼山抹微雲雨後新一樹垂楊無那綠似
曾相識畫樓春
十二年前舊板橋西風吹雨暮瀟瀟眉痕可似當時好依
舊修蛾挂碧霄

晚學齋詩初集卷一

圭

晚學齋

臨流宛轉重低回野草閒花落莫閒手種楊枝移不得當
年應悔過章臺

采石舟晚

滾滾寒濤落照圓危磯橫截大江縣開頭白浪漲秋雨放
眼青山橫暮煙霸業紛紛空戰伐酒狂落落自神仙錦袍
人去留明月爲泝流光一黯然

太平道中

颯颯西風緊涼吹酒夢醒波連孤鳥白秋入遠山青禾黍
荒田闕關河早歲經一帆隨水驛暮色黯前汀

灣沚阻雨有懷清畏小涵

鶉蓬聽雨晝潺潺小市維舟傍綠灣十里青溪秋正好有